

UNIVERZITET U TUZLI  
MEDICINSKI FAKULTET U TUZLI  
Tuzla, 21.06.2016. godine

Na osnovu tačke IV Konkursa za upis kandidata na treći ciklus studija – doktorski studij na fakultetima Univerziteta u Tuzli u akademskoj 2016/17. godini, Medicinski fakultet Univerziteta u Tuzli objavljuje slijedeću

### INFORMACIJU

**o uslovima upisa, visini školarine, te pregledu potrebne dokumentacije koja se obavezno prilaže uz prijavu za upis na prvu godinu Doktorskog studija „Biomedicina i zdravstvo“ u akademskoj 2016/2017. godini**

#### I

(Broj studenata koji će se upisati Doktorski studij)

Na Doktorski studij „Biomedicina i zdravstvo“ na Medicinskom fakultetu Univerziteta u Tuzli u akademskoj 2016/17. godini upisaće se minimalno 1, a maksimalno **35** studenata, koji se sami finansiraju.

#### II

(Ko ima pravo upisa na Doktorski studij)

Pravo upisa na Doktorski studij „Biomedicina i zdravstvo“ imaju kandidati državljani Bosne i Hercegovine, strani državljani i lica bez državljanstva, koji su završili dodiplomski studij na akreditovanoj visokoškolskoj ustanovi iz naučnog područja Biomedicine i zdravstva sa prosječnom ocjenom 8,0 i više i stekli stručni naziv: doktor medicine, doktor stomatologije i magistar farmacije. Kandidatima koji, uz prethodni uslov, imaju stečen naučni stepen „Magistar medicinskih nauka“ se priznaje 60 ECTS i omogućava upis u II godinu doktorskog studija.

#### III

**(Kriteriji za odabir polaznika)**

U slučaju prijave većeg broja kandidata nego što je traženo konkursom izbor kandidata koji su stekli pravo za upis vrši se na osnovu rezultata postignutih tokom ranijeg studija koji je uvjet za upis, na osnovu objavljenih naučnih radova, odnosno u skladu sa kriterijima za rangiranje kandidata. Pri tome prednost imaju doktori medicine u odnosu na doktore stomatologije i magistre farmacije.

Rang lista kandidata za upis na doktorski studij utvrđuje se na osnovu slijedećih kriterija i njihove bodovne vrijednosti:

#### **Kriterij**

1. Prosječna ocjena na studiju zaokružena na jednu decimalu pomnožena sa 10
2. Studij završen za 6 akademskih godina (u roku -do okončanja završne akademske godine studija) donosi kandidatu 100 bodova. Svaki mjesec (nakon roka) duže od toga iznos se umanjuje za 1 bod

#### **Broj bodova**

Maksimalno 100

Maksimalno 100

3. Stečeno zvanje magistra biomedicinskih nauka	7 bodova
4. Završena specijalizacija	3 boda
5. Zaposlenik Univerziteta u Tuzli u saradničkom zvanju asistenta	5 bodova
6. Članak objavljen u CC časopisu (prvi autor)	10 bodova
7. Članak objavljen u CC časopisu (koautor)	3 boda
8. Članak objavljen na Pubmed-u (prvi autor)	2 boda
9. Članak objavljen na Pubmed-u (koautor)	1 bod

Lica koja su diplomu drugog ciklusa/postdiplomskog studija ili diplomu integriranog prvog i drugog ciklusa studija stekla u inostranstvu, u obavezi su priložiti i rješenje o izvršenoj nostrifikaciji inostrane isprave ili potvrdu Univerziteta u Tuzli da su podnijeli zahtjev za akademsko priznavanje inostrane diplome u svrhu nastavka obrazovanja na Univerzitetu u Tuzli.

#### **IV (Školarina)**

Kandidati koji ostvare pravo na upis na Doktorski studij „Biomedicina i zdravstvo“ plaćaju školarinu prema „Odluci Senata Univerziteta o broju studenata za upis na treći ciklus studija na fakultete/Akademiju/zajednički doktorski studij i utvrđivanju visine školarine, uz pribavljenu saglasnost Vlade Tuzlanskog kantona, za svaku upisanu generaciju studenata“, broj: 03-4935-1/16 od 17.06.2016. godine.

Studenti koji nisu državljani BiH kao i lica bez državljanstva plaćaju 50% više od visine školarine koju utvrdi Senat za pojedine grupacije nauka, u skladu sa odgovarajućom odlukom Vlade Tuzlanskog kantona.

Studenti koji budu upisani u akademskoj 2016/17. godini plaćaju školarinu u iznosu od 12.000,00 KM.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, a što će se bliže utvrditi odlukom nadležnog organa, u skladu sa studijskim programom.

#### **IV (dokumenta koja se prilažu uz prijavu)**

Uz prijavu na konkurs kandidati prilažu:

- Ovjerenu kopiju diplome o završenom dodiplomskom/integrisanom prvom i drugom ciklusu, a uvjerenje o završenom studiju u slučaju da visokoškolska ustanova nije izdala diplome;
- Ovjerenu kopiju diplome o sticanju naučnog stepena magistra medicinskih nauka (za kandidate koji su završili postdiplomski studij);
- Uvjerenje o položenim ispitima na dodiplomskom/integrisanom prvom i drugom ciklusu studija;
- Uvjerenje o dužini trajanja dodiplomskog tj, integrisanog prvog i drugog ciklusa studija ili dodatak diplomi za lica koja su integrisani studij završili po Bolonjskom sistemu;

- Dokaz o završenoj specijalizaciji;
- Odluku visokoškolske ustanove o izboru zaposlenika Univerziteta u zvanje asistenta;
- Dokaz o objavljenom članku u CC časopisu ili na Pubmed-u;
- Uvjerenje o državljanstvu,
- Rješenje o izvršenoj nostrifikaciji inostrane isprave ili potvrda Univerziteta u Tuzli da je podnesen zahtjev za akademsko priznavanje inostrane diplome u svrhu nastavka obrazovanja na Univerzitetu u Tuzli.

## V (Trajanje konkursa)

**Konkurs ostaje otvoren do 15. septembra tekuće godine.**

Obrazac prijave na Konkurs može se dobiti u studentskoj službi ili na web stranici Medicinskog fakulteta/Univerziteta u Tuzli.

Prijave na Konkurs sa potrebnom dokumentacijom, dostavljaju se u zatvorenoj koverti, uz naznaku „Prijava na Konkurs za upis na treći ciklus studija“ putem studentske službe Medicinskog fakulteta Univerziteta u Tuzli.